

Árshlutareikningur RARIK fyrstu sex mánuði ársins 2011

Árshlutareikningur RARIK ehf 1. janúar til 30. júní 2011 var samþykktur af stjórn þann 29. ágúst.

Rekstrarhagnaður af starfsemi RARIK fyrir fjármagnsliði (EBIT) á fyrri hluta ársins 2011 var 905 milljónir króna. Rekstrarafkoman var betri en á fyrri hluta ársins 2010 og hækkuðu rekstrartekjur um rúmlega 6,6% frá fyrra ári, en rekstrargjöld með afskriftum um tæplega 4,9% og var regluleg starfsemi fyrirtækisins í samræmi við áætlanir.

Fjármagnsliðir voru neikvæðir um 981 milljón króna á tímabilinu en voru á sama tímabili árið áður jákvæðir um 248 milljónir króna. Þessi breyting stafar fyrst og fremst af veikingu krónunnar og verðbólgu sem var meiri en gert var ráð fyrir í áætlunum.

Áhrif hlutdeildarfélags á rekstur voru neikvæð um 30 milljónir króna.

Samkvæmt yfirliti um heildarafkomu var tap á tímabilinu 91 milljón króna. Rekstrarhagnaður fyrir afskriftir, fjármagnsliði og skatta (EBITDA) var 1.532 milljónir króna eða um 31% af veltu tímabilsins, samanborið við 1.356 milljónir eða 29% af veltu á sama tímabili árið áður. Hreint veltufé frá rekstri var 1.531 milljón króna samanborið við 1.571 milljón króna á sama tímabili árið 2010.

Samkvæmt efnahagsreikningi 30. júní 2011 voru heildareignir RARIK 36.604 milljónir króna og heildarskuldir námu 18.381 milljónum króna. Eigið fé var 18.223 milljónir króna og eiginfjárlutfall 49,8%.

Árshlutareikningur RARIK ehf er gerður samkvæmt alþjóðlegum reikningsskilastöðlum.

Helstu stærðir samstæðureiknings RARIK, allar fjárhæðir í milljónum króna.

Helstu stærðir úr rekstri:	jan-jún	jan-jún	jan-jún	jan-jún
	2011	2010	2009	2008
Rekstartekjur	4.979	4.669	4.151	3.650
Rekstrargjöld	4.074	3.884	3.514	3.295
Rekstrarhagnaður	905	785	637	355
Fjármunatekjur og (fjármagnsgjöld)	-981	248	-875	-2.280
Áhrif hlutdeildarfélags	-30	233	38	-1.007
Hagnaður/tap fyrir skatta	-106	1.266	-200	-2.932
Tekjuskattur	15	-186	36	130
Hagnaður (Tap)	-91	1.080	-164	-2.802
Eignir samtals	36.604	35.736	32.046	31.923
Eigið fé	18.223	17.062	13.777	13.941
Skuldir	18.381	18.674	18.269	17.982
Handbært fé frá rekstri	617	275	-817	1.289
Greidd vaxtagjöld	337	564	457	370
EBITDA	1.532	1.356	1.166	782
Vaxtaþekja	4,55	2,40	2,55	2,11
Eiginfjárhlutfall	49,8%	47,7%	43,0%	43,7%

Horfur í rekstri RARIK á árinu 2011 eru góðar að undanskildum fjármagnsliðum. Gert er ráð fyrir að afkoma ársins fyrir fjármagnsliði verði í samræmi við áætlanir, en heildarafkoma ársins ræðst hins vegar að verulegu leyti af þróun á gengi krónunnar og almennu ástandi efnahagsmála. Í ljósi þess að verðbólguþróun á fyrri hluta ársins og verðbólguþróun næstu mánaða er hærri en gert var ráð fyrir í áætlunum, má búast við að tap verði á fyrirtækinu á árinu.

Árshlutareikningur RARIK 1. janúar til 30. júní 2011 var samþykktur á fundi stjórnar þann 29. ágúst 2011.

Nánari upplýsingar veitir Tryggvi Þór Haraldsson, forstjóri RARIK í síma 528-9000.